



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ავალიანი დავით ნიკოლოზის ძე

ავალიანი დავით ნიკოლოზის ძე [15 (27). X. 1874, სოფ. ქვემო ქვიტირი, ახლანდ. წყალტუბოს მუნიციპალიტეტი, - 1932, ქუთაისი], პუბლიცისტი, მთარგმნელი, საზოგადო მოღვაწე.

დაამთავრა ქუთ. კლასიკური გიმნაზია. იყო სოციალისტ-ფედერალისტთა პარტიის წევრი (1903-21), კულტ.-საგანმან. და საქველმოქმედო ორგანიზაციების („ქართველთა შრომის წერა-კითხვის გამავრცელებელი საზოგადოება“, „საქართველოს საისტორიო და საეთნოგრაფიო საზოგადოება“, წიგნის საგამომცემლო ამხანაგობა, ღარიბ სტუდენტთა დამხმარე საზ-ბა და სხვ.) აქტ. მონაწილე. 1906-იდან მუშაობდა ქუთ. ქალაქის თვითმმართველობაში (იყო გამგეობის მდივანი), საადგილმამულო ბანკში და სხვ.

1897-იდან მისი წერილები, ნარკვევები, თარგმანები, თეატრ. რეცენზიები სისტემატურად იბეჭდებოდა ქართ. და რუს. პრესაში („ივერია“, „ცნობის ფურცელი“, „სახალხო ფურცელი“, „გრუზია“, „ვოზროჟდენიე“, „ჩერნომორსკი ვესტნიკი“, „ს.-პეტერბურგსკიე ვედომოსტი“ და სხვ.) ფსევდონიმებით: „დონ-ვალიანი“, „დამსწრე“, „ამხანაგი“, „ისარი“, „კირაკოზა“, „OH“, „Neuter“, „X“. თარგმნა „ორი მხატვარი“ (ავტორი უცნობია, თბ., 1912), მ. დიმიტრიევის „პანია და ბუნგლია“ (ქუთაისი, 1902, 1926), ი. მაჯრის „ჩადრი“, რ. თაგორის საყმაწვილო მოთხრობები და სხვ.

ლ. ავალიანი